



## **Universitätsbibliothek Paderborn**

### **Viator Christianvs Recta Ac Regia in coelum Via tendens**

Soliloquium Animae. Vallis Liliorum. De Tribus Tabernaculis. Gemitus & suspiria animæ poenitentis, seu de Vera Compunctione Cordis. Cohortatio ad Spiritualem profectum

**Thomas <von Kempen>**

**Coloniae Agrippinae, 1682**

XXXI. De recta intentione ad Deum.

[urn:nbn:de:hbz:466:1-53320](#)

666 V A L L I S

turis, totum Deo pure & integrē  
offer & ascribe.

Tunc pacem & quietem cor-  
dis invenies in Christo, & non in  
aliquo bono creato; & implebi-  
tur in te, & de te, dulce & san-  
&cum verbum Christi ab eo in  
monte prædicatum: *Beati mun-  
do corde, quoniam ipsi Deum  
videbunt. Cui laus, honor &  
gloria ab omni creatura, in secu-  
la seculorum. Amen.*

Matth. 5.

CAP. XXXI. *De recta inten-  
tione ad Deum erigenda.*

Psal. 24.

Cura pu-  
re inten-  
tionis.

Scopus  
omnis a-  
ctionis sit  
Dei glo-  
ria.

O Culimi semper ad Domi-  
num, quoniam ipse evellet  
de laqueo pedes meos.

In omni cogitatione, locutio-  
ne, et operatione tua, habeas  
semper rectam et puram inten-  
tionem ad Deum; ut omnia fa-  
cias ad laudem, et gloriam, et  
honorem Dei, et proximi ædifi-  
cationem.

Ipse est causa omnium bono-  
rum meritorum, atque largitor  
æternorum præmiorum. Ipse  
principium et finis omnium ope-  
rum

rum tuorum esse debet , ne per-  
das fructum laborum tuorum.

Si memor fueris terribilium  
judiciorum Dei , non vane glo-  
riaberis.

2. Pessima pestis vana gloria,  
et velle laudari foris ab homini-  
bus. Hoc utique vanissimum est ,  
et superbiæ signum , gratiæ Dei  
contrarium.

Quid ergo facies , et in quo  
confides et sperabis? Non in te ,  
nec in homine , nec in aliqua re  
mundi , nec in stellis cœli ; sed in  
solo Creatore Deo tuo , qui fecit  
te , et habet te , et omnia creata si-  
mul in manu et potestate sua  
sine onere et adjutore.

Dic ergo , et ora cum David  
in Psalmo: *Oculi mei semper ad*  
*Dominum , quoniam ipse evellet*  
*de laqueo pedes meos.* Et iterum:  
*Domine ante te omne deside-* *Psal. 37.*  
*rium meum , & gemitus meus à*  
*te non est absconditus.*

3. Relictis ergo vanis ratio-  
nibus et consiliis hominum in  
cunctis necessitatibus tuis , po-  
tius cum precibus et sanctis de-  
sideriis , recurre confidenter ad  
Do-

Fuge pes-  
simam pe-  
stem va-  
nam glo-  
riam.

*Psal. 24.*

In solo  
Deo con-  
fide.

Dominum Deum tuum; quoniam ipse est, qui evellet de laqueo pedes tuos, ut non movearis à recta via virtutis & vera humilitate, sed stes fixus in Deo usque in finem

**Opus bonum pura intentio- ne factum parit lætitiam; at malum, mœstia.**

Omne opus bonum propter Deum factum, lætificat conscientiam, illuminat mentem, & ampliorem meretur gratiam.

Omne autem malum opus, mœstificat agentem, & maculat famam bonam, & impedit divinæ consolationis influentiam.

Qui aliquid propter vanam gloriam facit, elationis vento lucernam extinguit: & qui propter mundum agit & apparere appetit, cito Deo irascente in lutum cadit,

Non ergo læteris in aliqua felicitate hujus mundi, quemadmodum stulti; sed sta semper in timore Dei, & cognitione fragilitatis tuæ.

Frequens lapsus, & facilis error tuus docebunt te humiliter & viliter de teipso sentire.

4. Neminem velis in hac vita nimis laudare, quia nescis, qualis sit quisque futurus,

Nec

Neminem  
cito lau-  
daveris,  
nec te-

Nec temere judices cadentem,  
quia potest Deus cito erigere  
fletem, Pro omnibus ora, & om-  
nes Deo committe.

Esto vilis in oculis tuis, ut fias  
magnus coram oculis Dei ; qui  
humiles respicit, & altos à lon-  
ge cognoscit, & subito proster-  
nit.

Si ab hominibus despiceris, &  
alii tibi præponuntur, ne tristeris  
nimis, quia melius & securius est  
humiliari cum mitibus & simpli-  
cibus, quam à Deo reprobari cum  
divitibus & elatis.

Cave laudari, time magnifica-  
ri, erubescere honorari, fuge repu-  
tari, quære latitare. Elige Deo  
vacare, sacris lectionibus & de-  
votis precibus sedulo immorari.

Non est sine laude & honore,  
qui propter Deum spernit laudes  
& honores.

Nec est sine solatio divino, qui  
omnia hujus mundi gaudia re-  
putat pro nihilo ; & omnia sibi  
contraria sustinet libenter pro  
Christo, & quotidie anhelat esse  
cum eo in cœlo.

*mere dā-  
naveris.*

*Humilia-  
re, & exal-  
taberis.*

*Nec affe-  
ctes mag-  
nificari.*

*Sat iudicis  
& solatiæ  
habet, quia  
hæc pro  
Deo sper-  
nit.*